

¡BOMBA!

Pues si hay razón suficiente, Mr. Beast siguió la norma: vaya estrepitosa forma de estrellarse con un puente



K'intsil

Lunes 19 de mayo de 2025

CAMPECHE · YUCATÁN · QUINTANA ROO · AÑO 10 · NÚMERO 2479 · www.lajornadamaya.mx

Ka'atúul kimeno'ob úuchik u p'uchkubáaj najil xook cheem Cuauhtémoc yéetel Puente de Brooklyn



Agencias / p 25
Oochel Ap

Najil xook jeets'el tu cheemil Cuauhtémoc, jump'éel velero óoxp'éel u mástiles ti'alinta'an tumen Marina Armada de México, tu'ux jna'aka'an ka'ach kex 200 máako'obe', tu p'uchubáaj yéetel Puente de Brooklyn, tu ja'il East River, tu kaajil Nueva York, tu yáak'abil le sábado máanika'.

Tu jo'oloy jéenanta'ak puente', káaj u máan kaxtbil yéetel u yáanta'ol máaxo'ob jlúubo'ob ich ja', beey jts'a'ab k'ajóoltbil tumen u bomberosil The New York Post.

Máax jo'olbesik Secretaría de Marina Armada de México (Marina), Raymundo Pedro Morales Ánfeles, tu ya'alaje'

"jach sáasil" kun beetbil u xaak'alil le ba'ax úucho'.

Ti' k'aytajil tu beetaj ti' redes sociales, almirante' tu yaj óoltaj loobilaj úuchij tumen tak le domingoo' ojéela'an ka'atúul máak kúimij, yéetel uláak' ti' 20'oob úuch loob, 11 ti' le je'elo'obo', jach talam yaniko'ob.

Jala'ach Claudia Sheinbaume' tu ts'áaj k'ajóoltbile' le ka'atúul

máax kiime', juntúul cadete yéetel juntúul marino, ts'o'oke' séeb úuchik u ts'aatáanta'al máaxo'ob k'a'abéetchaj áantaj.

U jala'achilo'ob kaa'je' tu ya'alo'ob cheeme' tu p'uchubáaj bin tumen éem u muuk' ka'aj káaj u bin, ba'ale' xjala'ache' tu k'áataj ka páa'ta'ak xaak'alo'ob kun beetbil ti'al u béeytal jach ba'ax úuchij.